



Broj: 10/E-11-5341/24  
Sarajevo, ~~04-09-2024~~ godine

Na osnovu člana 70. stav (1), (2), (3) i (6) Zakona o javnim nabavkama Bosne i Hercegovine („Službeni glasnik BiH“, broj 39/14, 59/22 i 50/24) u daljem tekstu: Zakon, člana 69. Statuta Općine Centar Sarajevo – Prečišćeni tekst („Službene novine Kantona Sarajevo“, broj 23/04), na prijedlog Komisije za nabavku roba, usluga i radova II, imenovana rješenjem Opštinskog načelnika broj: 10-45-237/24 od 25.03.2024. godine, (u daljem tekstu: Komisija II), u postupku javne nabavke: Izvođenje dodatnih radova na rekonstrukciji dijela ulice Nahorevska (Zapisnik o pregledu i ocjeni ponuda broj: 10/E-11-5341/24 od 27.08.2024. godine), Općinski načelnik donosi

### **ODLUKU O IZBORU NAJPOVOLJNIJEG PONUĐAČA**

- I.** Prihvata se ponuda ponuđača **“MIBRAL” d.o.o. Sarajevo**, ulica Srebrenička broj 1, 71000 Sarajevo, broj: 79E-1.6.2-08/24 od 27.08.2024. godine, za izvođenje dodatnih radova na rekonstrukciji dijela ulice Nahorevska, putem konkurentskog zahtjeva za dostavu ponuda, sa cijenom u ukupnom iznosu od **46.076,43 KM bez PDV-a**, odnosno **53.909,42 KM sa PDV-om i rokom izvođenja radova 10 (deset) kalendarskih dana**.
- II.** Izabrani ponuđač dužan je dokaze iz tačke 7.1. i 7.1.2. tenderske dokumentacije (Lična sposobnost), u skladu sa članom 45. Zakona o javnim nabavkama, dostaviti najkasnije u roku od **5 (pet) dana** od dana prijema ove Odluke na Protokol Ugovornog organa (originalne ili ovjerene kopije).
- III.** Ugovorni organ će sa izabranim ponuđačem zaključiti ugovor, kojim će se regulisati međusobna prava i obaveze u vezi predmetne nabavke, shodno zahtjevima Ugovornog organa i zakonskim propisima.
- IV.** Ova Odluka se dostavlja ponuđaču koji je učestvovao u postupku javne nabavke u roku od 7 (sedam) dana, shodno članu 70. stav (2) i članu 71. Zakona o javnim nabavkama.
- V.** Odluka će se objaviti na web stranici Općine Centar Sarajevo ([www.centar.ba](http://www.centar.ba)) u skladu sa članom 70. stav (6) Zakona o javnim nabavkama.

### **O b r a z l o ž e n j e**

Postupak javne nabavke za izvođenje dodatnih radova na rekonstrukciji dijela ulice Nahorevska, pokrenut je Odlukom Općinskog načelnika o pokretanju postupka javne nabavke putem konkurentskog zahtjeva za dostavu ponuda, broj: 10/E-11-5341/24 od 16.08.2024. godine. Predmet nabavke nije podijeljen na lotove.

Obavještenje o nabavci 848-7-3-89-3-146/24 od 16.08.2024. godine objavljeno je na portal javnih nabavki ([www.ejn.gov.ba](http://www.ejn.gov.ba)), a sažetak obavještenja o nabavci objavljen je u “Službenom glasniku BiH”, broj 57/24 – Oglasnik javne nabavke.

Procijenjena vrijednost javne nabavke iznosi **46.080,00 KM** bez PDV-a.

U krajnjem roku za predaju ponuda koji određen tenderskom dokumentacijom (27.08.2024. godine do 11:00 sati), na adresu Ugovornog organa primljena je 1 (jedna) ponuda dostavljena od ponuđača „MIBRAL“ d.o.o. Sarajevo.

U skladu sa članom 63. Zakona o javnim nabavkama (u daljem tekstu: Zakon), Komisija II je u zakazano vrijeme pristupila javnom otvaranju pristigle ponude i nakon što je utvrđena urednost dostave, pročitana je cijena ponude i rok izvođenja radova, kao potkriteriji u okviru kriterija „ekonomski najpovoljnija ponuda“, kako slijedi:

R/b	Ponuđač	Ukupno bez PDV-a (KM)	Popust	Ukupno sa PDV-om (KM)	Rok izvođenja radova (kalendarski dani)
1.	„MIBRAL“ d.o.o. Sarajevo	46.076,43	/	53.909,42	10 (deset) dana

Nakon izvršenog javnog otvaranja ponude, na zatvorenom sastanku Komisija II je pristupila detaljnom pregledu i analizi dokumentacije priložene uz ponudu, u cilju utvrđivanja prihvatljivosti prema obliku, sadržaju i potpunosti dokumentacije; utvrđivanja kvalifikacija ponuđača; ocjene tehničke prihvatljivosti ponude, kao i usklađenosti sa tenderskom dokumentacijom, Zakonom o javnim nabavkama i odgovarajućim podzakonskim propisima.

Komisija II je ustanovila da dostavljena ponuda ponuđača „MIBRAL“ d.o.o. Sarajevo ispunjava formalno-pravne, ekonomske i tehničke uslove, odnosno da ispunjava uslove iz tenderske dokumentacije i zahtjeve Ugovornog organa za predmetnu nabavku, kao i da je prihvatljiva u smislu Zakona o javnim nabavkama.

Detaljnom računskom provjerom ispravnosti ponude navedenog ponuđača, Komisija II je utvrdila da je podnesna ponuda računski ispravna, te da je ispravno obračunata ukupna cijena ponude sa PDV-om.

U daljem toku postupka izvršena je ocjena, usporedba i vrednovanje dostavljene prihvatljive ponude prema pravilima propisanim Zakonom o javnim nabavkama i podzakonskim aktima, kao i proceduri utvrđenoj u tenderskoj dokumentaciji za predmetnu nabavku, primjenom odgovarajuće formule za vrednovanje pojedinih elemenata ponude i izračun ukupnog broja bodova, u skladu sa Pravilima o postupku, provjeri, proceduri i načinu vrednovanja – bodovanja kriterija za izbor najpovoljnijeg ponuđača, kao sastavnom dijelu tenderske dokumentacije (Aneks 9.).

Primjenom utvrđenih potkriterija 1. Cijena i 2. Rok izvođenja radova i bodovanjem elemenata iz dostavljene ponude, u okviru kriterija „ekonomski najpovoljnija ponuda“, u skladu sa članom 64. stav (1) tačka a) Zakona o javnim nabavkama, Komisija II je izvršila analizu dostavljene ponude kako slijedi:

KRITERIJ ZA BODOVANJE „ekonomski najpovoljnija ponuda“	„MIBRAL“ d.o.o. Sarajevo
Cijena 95% (bez PDV-a)	$46.076,43/46.076,43 \times 95 = 95$
Rok izvođenja radova 5% (kalendarski dani)	$10/10 \times 5 = 5$
<b>UKUPNO</b>	<b>100,00</b>

Shodno svemu naprijed izloženom, Komisija II je putem javnog glasanja jednoglasno donijela odluku da se Općinskom načelniku dostavi:

### PREPORUKA O PRIHVATANJU PONUDE

Ponuđača **„MIBRAL“ d.o.o. Sarajevo**, ulica Srebrenička broj 1, 71000 Sarajevo, broj: 79E-1.6.2-08/24 od 27.08.2024. godine, sa cijenom u ukupnom iznosu od **46.076,43 KM bez PDV-a**, odnosno **53.909,42 KM sa PDV-om i rokom izvođenja radova 10 (deset) kalendarskih dana**, kao najpovoljnije, za izvođenje dodatnih radova na rekonstrukciji dijela ulice Nahorevska, sa kojim će biti zaključen ugovor.

Općinski načelnik u postupku evaluacije nije našao razloge niti nepravilnosti u radu Komisije II koji bi eventualno bili osnov za neprihvatanje preporuke Komisije II, te je odlučeno kao u dispozitivu ove Odluke.

### **Pouka o pravnom lijeku:**

Protiv ove Odluke može se izjaviti žalba Uredu za razmatranje žalbi putem Ugovornog organa, najkasnije u roku od 5 (pet) dana od dana prijema ove Odluke, shodno članu 101. stav (5) tačka c) Zakona o javnim nabavkama („Službeni glasnik BiH“, broj 39/14, 59/22 i 50/24).

Naknada za pokretanje žalbenog postupka iznosi 750,00 KM u skladu sa članom 108. stav (1) tačka a) Zakona o javnim nabavkama.

Dokaz o plaćenju naknadi za pokretanje žalbenog postupka u iznosu propisanom članom 108. Zakona o javnim nabavkama, na osnovu kojeg se može nesumnjivo utvrditi da je transakcija izvršena, obavezno se dostavlja ugovornom organu u roku za izjavljivanje žalbe.

Žalba se podnosi u dovoljnom broju primjeraka, a koji ne može biti manji od tri.

Prilog: Zapisnik o pregledu i ocjeni ponuda

broj: 10/E-11-5341/24 od 27.08.2024. godine



**OPĆINSKI NAČELNIK**

Srđan Mandić

### **Dostaviti:**

1. Ponuđaču: „MIBRAL“ d.o.o. Sarajevo, ulica Srebrenička broj 1, 71000 Sarajevo
2. Službi za prostorno uređenje i investicije
3. Kabinetu općinskog načelnika – Odsjek za javne nabavke
4. Službi za finansije
5. U spis